



## TLHAGISA MAIKUTLO

### Taletso go Setshaba go Romela Ditlhagiso le Ditshwaelo

Komitikgetho ya Kgwebisano, Intaseteri, Tlhabololo ya Ikonomi, Tlhabololo ya Dikgwebopotlana, Bojanala le Thapo le Bodiri e laetsa baamegi le makoko a a nang le kgatlhego go romela ditshwaelo tse di kwadilweng ka ga Mametlelelo ya Ntlha ya Molaotlhomo wa Dikhamphani [B27B-2023] le Memetlelelo ya Bobedi ya Molaotlhomo wa Dikhamphani [B26B-2023].

#### Mametlelelo ya Ntlha ya Molaotlhomo wa Dikhamphani [B27B-2023] o batla go:

- Mametlelela Molao wa Dikhamphani, 2008, gore o tle o fetole tlhaloso ya 'didiriswa tse di nang le boleng jwa madi';
- Tlhalosa fa Kitsiso ya Mametlelelo ya Memorantamo wa Kakaretso o simolola go dirisiwa leng;
- Farologanya fa tshwanelo ya go bona direkoto tsa khamphani e ka lekanyedwa;
- Rulaganyetsa go baakanyetsa, go tlhagisa le go bouta ka ga pholisi ya dituelo tsa dikhamphani le pegelo ya dituelo tsa bakaedi;
- Rulaganyetsa gore khophi ya ditshenele ya pegelo ya ngwaga le ngwaga e romelwe;
- Naya kgotlatshekelo dithata tsa go tlhomamisa go tlhamiwa, abelwa kgotsa go rebolwa ga dishere ka tsela e e sa siamang;
- Tlhalosa gore go tshwanetse ga dirwa jang ka dishere tse di sa duelewang ka botlalo;
- Sa akaretse khamphanipotlana mo ditlhokegong tse di amanang le thuso ya ditshenele;
- Neelana ka makgetlo ao mo go ona go tlhokegong tshwetso e e kgethegileng ya go reka dishere ke khamphani;
- Atolosa tlhaloso ya sekema sa badiri sa dishere go akaretsa maemo ao mo go ona go nang le ditheko tsa dishere tsa khamphani;
- Neelana ka maemo ao ka fa tlase ga ona khamphani ya poraefete e tla nnang khamphani e e laolwang;
- Mekana le go tlhamiwa ga komiti ya loago le maitsholo;
- Neelana ka phasalatso ya kopo ya go gololwa mo tlhokegong ya go thapa komiti ya loago le maitsholo;
- Neelana ka tlhagiso ya pegelo ya komiti ya loago le maitsholo kwa kopano kakaretso ya ngwaga le ngwaga kgotsa kopano ya batsholadishere go tswa ka fa go ka nnang ka teng;
- Netefatsa gore go na le pharologano ya ditiro magareng ga modulasetilo wa Kgotlatshekelo ya Dikhamphani le Mothankedimogolo wa Tsamaiso; le
- Neelana ka dintla tse di golaganang le ona.

#### Mametlelelo ya Bobedi ya Molaotlhomo wa Dikhamphani [B26B-2023] o batla go:

- Mametlelela Molao wa Dikhamphani, 2008, gore go tle go mametlelelwae nako e e beilweng, malebana le ditsamaiso tsa go busetsa tatlhegelo, ditshenyegelo kgotsa ditshenyegelo tse motho a ka nnang a bonwa molato go ya ka dintla tsa karolo 77 wa Molao wa Dikhamphani;
- Mametlelela nako e e beilweng ya go tlisa kopo ya go bolela gore motho o molato kgotsa mo tlase ga tlhatlhobo, go ya ka dintla tsa karolo 162(2) le (3) wa Molao wa Dikhamphani; le
- Go neelana ka dintla tse di golaganang le ona.

Bang ba ba nang le kgatlhego le baamegi ba ba eletsang go tshwaelo ba kopiwa ka tswee tswee go romela ditlhagiso tse di kwadilweng go Komiti pele ga 12:00 pm ka Mosupologo, 29 Ferikgong 2024. Bao ba batlang go dira ditshwaelo kwa theetsong ya bottle ba tshwanetse go kopa seno ka tlhamalalo, fela go tshwanetse ga elwa tlhoko gore go rebolwa ga dikopo tse di jalo tsa ditshwaelo tsa molomo go laolwa ke Komiti.

Dikhophi tsa Melaotlhomo di gona mo go [www.parliament.gov.za](http://www.parliament.gov.za)

Ditlhaletsano tsotle di tshwanetse go romelwa go Rre Rayi, Modulasetilo: KK ya Kgwebisano le Intaseteri, Tlhabololo ya Ikonomi, Tlhabololo ya Dikgwebopotlana, Bojanala, Thapo le Bodiri. Ditlhagiso di tshwanetse go romelwa go diaterese tsa imeile tse di latelang: [mkoff@parliament.gov.za](mailto:mkoff@parliament.gov.za) le [ndinizulu@parliament.gov.za](mailto:ndinizulu@parliament.gov.za).

Dipotsa di ka romelwa go Moh M Koff mo go 083 709 8527, kgotsa ka imeile mo go: [mkoff@parliament.gov.za](mailto:mkoff@parliament.gov.za) kgotsa go Moh N Dinizulu go 083 709 8393 kgotsa ka imeile mo go [ndinizulu@parliament.gov.za](mailto:ndinizulu@parliament.gov.za)

E rebotswe ke: Rre M Rayi, Modulasetilo: Komitikgetho ya Kgwebisano le Intaseteri, Tlhabololo ya Ikonomi, Tlhabololo ya Dikgwebopotlana, Bojanala, Thapo le Bodiri